

# Te tuhi kōrero

MŌ  
MURI

Aratohu mō te Whānau/Kaitiaki • Kaiako • Ākonga

**I hangaia tēnei tūmahi mō ngā whānau/  
kaitiaki hoki, hei mahi mā rātou i te taha  
o ngā tamariki mō muri i te kaupapa  
Inspiring the Future. Kātahi ka whakahoki  
kōrero ake ngā ākonga ki te akomanga.**

## Te tikanga he tino āwhina tēnei tūmahi mō te kaupapa Inspiring the Future

Mā tēnei tūmahi e whakawhānui i ngā akoranga a te ākonga i takea mai i te kaupapa Inspiring the Future e pā ana ki ngā haerenga ā-tangata, te tuwhera i ngā whakaaro hoki e pā ana ki te hunga whai i ngā momo mahi katoa me te ao e noho nei rātou. Ka ako pea rātou mō ētahi atu mahi kāre anō kia whakaarohia, ā, akene ka tumeke hoki rātou ki ngā mahi kua mahia nei e koe.

## Te hāngai ki te marautanga

### Ngā uara

Te tūhura me te pākiki, te rerekē, te tomo me te hapori, te whakaute, te ngākau pono

### Ngā āheinga

Te whakaaro, te whakamahi i te reo, te whanaungatanga, te tomo me te tuku kōrero

### Ngā wāhanga ako

Te reo Pākehā, Ngā Toi, Tikanga ā-Iwi, Hangarau

# Ngā Tohutohu Whānau/kaitiaki

---

1. Kei muri o tēnei puka ētahi tohutohu mā ngā ākongā. Ka pātaihia koe ki te tuari i ō kōrero e pā ana ki tō mahi. Kōrero atu ki a rātou mō tō momo mahi, mēnā he mahi utu, he mahi tūao rānei, he āwhina i tētahi rōpū hapori, te whakarite i ngā tahua pūkete mō to kāinga, aha noa atu, aha noa atu.
2. Ka taea tō tuari whakaahua, i tētahi whakaaro e maumahara ana koe, i tētahi taonga whānau hei tautoko i tō kōrero.
3. Me kōrero mō ngā āhukatanga i pai me ngā āhukatanga kāre i pai mō ō momo mahi, ngā pūkenga kua riro mai i a koe i roto i aua mahi hoki.

# Ngā Tohutohu Kaiako

---

1. Tirohia ngā pātai kua whakaarohia i runga i te aratohu mā te ākonga, ka tāpiri i ētahi atu pātai mēnā e hiahia ana koe.
2. Ina oti ana i ngā ākonga te tūmahi me ō rātou whānau/kaitiaki, pātaihia rātou ki te whakaatu mai ā-rōpū, takitahi rānei ki te akomanga.
3. He maha ngā ara hei whai mā rātou. Kōwhiria he momo e hāngai ana ki tō akomanga, tukuna rānei mā rātou e kōwhiri. He tauira pūrākau:
  - ▶ whakaaturanga ā-waha
  - ▶ te tuhi blog
  - ▶ whakaaturanga matihiko (hei tauira, te kiriata, PowerPoint rānei, te whakamahi taupānga)
  - ▶ toi ataata (hei tauira, te tā pikitia, pakiwaituhi rānei)
  - ▶ te whakaari rānei i te kōrero
  - ▶ he tauira atu anō.

# Ngā Tohutohu Ākonga

Me mahi tēnei tūmahi me tētahi pakeke i muri iho i te kaupapa Inspiring the Future. Oti ana i a koe kua pai tō whakaatu atu i ō mahi ki te akomanga – mā te kaiako koe e tohutohu e pā ana ki tēnei wāhanga.

Pātaihia tētahi pakeke e mōhio ana koe ki te kōrero mō ngā mahi rerekē kua mahia e ia. Anei ētahi pātai hei tuku atu ki a ia:

- ▶ **He aha ngā mea pai o taua mahi?** Hei tauira, ngā haerenga, te mahi me ētahi atu, te waihanga taputapu, te mahi ki waho.
- ▶ **He aha ngā momo pūkenga i mau i a koe?** Hei tauira, he whakarongo, he manaaki i ētahi, te whakawhiti kōrero, te whakatika raru, te waihanga hoki.
- ▶ **I pēhea to whiwhi i te mahi rā?** Hei tauira, i whai mahi koe hei pia, i haere koe ki te whare wananga, te turaki āraitanga rānei.
- ▶ **He aha ngā kaupapa rawe ki a koe i te kura, ā, kua whakamahia e koe ki taua mahi?** Hei tauira, me he mahi hoahoa, ko ngā mahi toi ka puta, ngā mahi hangahanga ko te pāngarau tērā.
- ▶ **I mahi koe me wai i taua mahi?** Hei tauira, tō rōpū mahi, tō rangatira rānei.
- ▶ **I pēhea te āwhina o ō hoa mahi i a koe?**
- ▶ **Ko tēhea te mahi makau ki a koe?**
- ▶ **He aha i pērā ai?**